



Reykjavík, 7. september 2026
MSS26070034

Borgarráð

Umsögn velferðarráðs um aðgerðaáætlun Farsældarráðs höfuðborgarsvæðisins 2026-2030

Á fundi velferðarráðs þann 2. september 2026 var lagt fram bréf skrifstofu borgarstjórnar, dags. 13. ágúst 2026, þar sem óskað er eftir umsögn velferðarráðs og skóla- og frístundaráðs um aðgerðaáætlun Farsældarráðs höfuðborgarsvæðisins, og bréf Samtaka sveitarfélaga á höfuðborgarsvæðinu, dags. 7. júlí 2026, ásamt fylgiskjöllum. Umsögn velferðarráðs var samþykkt.

Fulltrúar Samfylkingarinnar og Vinstrisins lögðu fram svohljóðandi bókun:

Fulltrúarnir þakka fyrir umsögn um fyrstu aðgerðaáætlun Farsældarráðs og lýsa stuðningi við þær aðgerðir sem ætlað er að efla samstarf, samræma verklag og bæta upplýsingaflæði milli þeirra aðila sem bera sameiginlega ábyrgð á farsæld barna. Hins vegar þarf að taka alvarlega gagnrýni Ríkisendurskoðunar á framkvæmd farsældarlaganna þar sem bent er á að góð samhæfing skili takmörkuðum árangri ef þjónustu og úrræði skortir. Stilla þarf upp skýrari mynd af þeim áskorunum sem börn og fjölskyldur á höfuðborgarsvæðinu glíma við í dag og hvernig þær aðgerðir sem hér eru lagðar fram eiga að bregðast við þeim. Mikilvægt er að farsældarráðið verði ekki einungis vettvangur til að samræma verklag og upplýsingaflæði heldur einnig farvegur þar sem mið er tekið af sjónarmiðum þeirra sem starfa á vettvangi þjónustunnar um hvar stuðning eða úrræði skortir. Skýrari tenging þarf að vera milli þarfa barna og fjölskyldna, þeirra aðgerða sem lagðar eru til og þeirrar framtíðarsýnar sem stefnt er að. Ljóst er að innleiðingu farsældarlaganna fylgdu væntingar foreldra og annarra forráðamanna um fjölgun úrræða og betri þjónustu við börn með stuðningsþarfir, sem ekki hefur verið mætt með fullnægjandi hætti. Það þarf að vera í forgrunni næstu misserin að gera þar bragarbót á.

Umsögnin er hér með send borgarráði.

Virðingarfyllst,

Rannveig Einarsdóttir
sviðsstjóri velferðarsviðs

Hjálagt:

Umsögn um aðgerðaáætlun Farsældarráðs höfuðborgarsvæðisins, samþykkt á fundi velferðarráðs 2. september 2026.



Reykjavík



Reykjavík, 26. ágúst 2026

MSS26070034

UMSÖGN

Viðtakandi: Borgarráð

Sendandi: Velferðarráð

Efni: Umsögn um aðgerðaáætlun Farsældarráðs höfuðborgarsvæðisins 2026-2030

Á fundi borgarráðs þann 13. ágúst 2026 var aðgerðaáætlun Farsældarráðs höfuðborgarsvæðisins 2026-2030 vísað til umsagnar velferðarráðs og skóla- og frístundaráðs.

Umsögn:

Farsældarráð höfuðborgarsvæðisins hefur lagt fram aðgerðaáætlun fyrir tímabilið 2026-2030 til umfjöllunar og staðfestingar hjá aðildarsveitarfélögum. Áætlunin er unnin á grundvelli laga nr. 86/2021 um samþættingu þjónustu í þágu farsældar barna og samstarfssamnings sveitarfélaga á höfuðborgarsvæðinu um starfsemi svæðisbundins farsældarráðs.

Aðgerðaáætlunin styður vel við markmið farsældarlaganna um snemmtækan stuðning, samþættingu þjónustu og aukið samstarf þeirra aðila sem starfa með börnum og fjölskyldum. Jafnframt tekur áætlunin mið af helstu áherslum í stefnumótun stjórnvalda um farsæld barna, niðurstöðum farsældarpings og greiningum á stöðu barna og ungmenna á höfuðborgarsvæðinu.

Sérstaklega er jákvætt að lögð er áhersla á sex langtíamarkmið sem snúa að samþættri þjónustu, bættri líðan barna í skóla, öflugra forvarnastarfi, auknu samstarfi heimila og skóla, auknu öryggi barna og auknu jafnræði. Þessi markmið falla vel að þeirri stefnu sem Reykjavíkurborg hefur markað í málefnum barna og fjölskyldna.

Það er ánægjulegt að teknað séu fram þær aðgerðir sem miða að því að bæta upplýsingaflæði og samstarf milli sveitarfélaga, skóla, heilbrigðisþjónustu, félagsþjónustu og íþróttahreyfingar. Slík innleiðing aðgerða fari fram í samræmi við gildandi lög um persónuvernd og vinnslu persónuupplýsinga og að skýr ábyrgð, hlutverk og verkferlar liggi fyrir áður en nýtt verklag er tekið upp.

Jafnframt eru ýmsar aðgerðir áætlunarinnar í góðu samræmi við þau verkefni sem þegar eru í gangi hjá Reykjavíkurborg, í gegnum framkvæmdaáætlun Betri borgar fyrir börn og farsældar barna í Reykjavík. Það má nefna aðgerðir sem snúa að skólasókn, geðrækt, forvörnum, aðgerðir í tengslum við ofbeldi meðal barna og ungmenna, foreldrafræðslu, samstarf heimilis og skóla, upplýsingagjöf til barna og foreldra og stuðning við fjölskyldur í viðkvæmri stöðu.



Reykjavík



Í samstarfssamningi sveitarfélaganna kemur fram að sveitarstjórnir samþykki aðgerðaáætlun ráðsins og að kostnaðaráætlanir skuli fylgja fyrir þeim verkefnum sem fela í sér sameiginlegan kostnað. Í aðgerðaáætluninni er gert ráð fyrir að hlutur Reykjavíkurborgar í sameiginlegum kostnaði árið 2027 verði um 9 m.kr. og um 3,6 m.kr. árlega á tímabilinu 2028-2030. Fellur kostnaðurinn utan fjárheimilda velferðarsviðs og skóla- og frístundasviðs og því er mikilvægt að tekið verði tillit til þessa við áframhaldandi fjárhagsáætlanagerð borgarinnar. Bæði velferðarsvið og skóla- og frístundasvið koma að aðgerðaráætlun farsældarráðs höfuðborgarsvæðisins.

Taka þarf alvarlega gagnrýni Ríkisendurskoðunar á framkvæmd farsældarlaganna þar sem bent er á að góð samhæfing skili takmörkuðum árangri ef þjónustu og úrræði skortir. Stilla þarf upp skýrari mynd af þeim áskorunum sem börn og fjölskyldur á höfuðborgarsvæðinu glíma við í dag og hvernig þær aðgerðir sem hér eru lagðar fram eiga að bregðast við þeim. Mikilvægt er að áfram verði fylgst með árangri aðgerðanna með þeim mælikvörðum sem fram koma í áætluninni og að árlegar framvinduskýrslur og regluleg endurskoðun forgangsverkefna verði nýtt til að meta árangur, kostnað og áhrif verkefnanna á farsæld barna og fjölskyldna.

